

Խորհրդի նախագահ՝



Հաստատված է՝
«Շիրակի Մ. Նալբանդյանի անվան
պետական համալսարան»
հիմնադրամի գիտական խորհրդի
2017թ. դեկտեմբերի 28-ի նիստում

Ս.Գ. Մինասյան

Ի փոփոխումն ԳՊՄԻ ՊՈԱԿ-ի

գիտական խորհրդի 26.05.2012թ.

նիստում հաստատված «ԳՊՄԻ ՊՈԱԿ-

ի ուսանողական գիտական

ընկերության» կանոնադրության

ԿԱՆՈՆԱԴՐՈՒԹՅՈՒՆ

«ՇԻՐԱԿԻ Մ. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 «Շիրակի Մ. Նալբանդյանի անվան պետական համալսարան» հիմնադրամի (այսուհետ՝ ՇՊՀ) ուսանողական գիտական ընկերությունը (այսուհետ՝ ՈԻԳԸ) ՇՊՀ ուսանողներին (բակալավր, մագիստրոս, հետազոտող) կամավոր կերպով միավորող կառուցվածքային ստորաբաժանում է, որը նպաստում է ուսանողության գիտական գործունեության զարգացմանը:
- 1.2 ՈԻԳԸ-ն իր գործունեությունը ծավալում է՝ ղեկավարվելով ՀՀ օրենսդրությամբ, ՇՊՀ-ի և սույն կանոնադրություններով:
- 1.3 ՈԻԳԸ-ի կանոնադրությունը և նրանում կատարվող փոփոխությունները հաստատվում են ՇՊՀ-ի գիտխորհրդի կողմից:
- 1.4 ՈԻԳԸ-ն ունի խորհրդանիշ և կլոր կնիք:
- 1.5 ՇՊՀ-ի ՈԻԳԸ-ի անվանումը. ռուսերեն՝ Студенческое Научное Общество (CHO), անգլերեն՝ Student Scientific Society (SSS):
- 1.6 Հասցե՝ ՀՀ, ք, Գյումրի, Պարույր Սևակի 4, փոստային ինդեքս՝ 3126, էլ. Հասցե՝ sss@shsu.am

2. ՈԻԳԸ-Ի ՆՊԱՏԱԿԸ, ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

2.1 ՇՊՀ-ի ՈԻԳԸ-ի նպատակն է նպաստել ուսանողական համակազմի գիտական գործունեության զարգացմանը:

2.2 ՈԻԳԸ-ի խնդիրներն են՝

2.2.1 գիտական ոլորտում ուսանողների ներգրավում,

2.2.2 ուսանողների գիտական գործունեության միջազգայնացում,

2.2.3 գիտական գործունեության և ուսումնական գործընթացի փոխկապակցվածության արդյունավետության բարձրացում:

2.3 ՈԻԳԸ-ն իր նպատակներն ու խնդիրները իրականացնում է սեփական կառուցվածքային միավորների միջոցով՝ համագործակցելով գիտական քաղաքականության և արտաքին համագործակցության կառավարման կենտրոնի հետ:

2.4. ՈԻԳԸ-ի գործառույթներն են.

2.4.1. մշակել ուսանողների գիտական գործունեության կարճաժամկետ (2 տարի) զարգացման ռազմավարությունը,

2.4.2. կազմակերպել ուսանողական գիտաժողովներ, սեմինարներ, գիտահանրամատչելի դասախոսություններ և գիտական-կրթական ուղղվածություն ունեցող այլ միջոցառումներ,

2.4.3. հավաքագրել, կազմել և տարածել տեղեկատվություն ուսանողական գիտական միջոցառումների մասին,

2.4.4. բացահայտել գիտական գործունեությամբ զբաղվող շնորհալի և տաղանդավոր ուսանողներին,

2.4.5. համագործակցել այլ բուհերի ՈԻԳԸ-ների հետ,

2.4.6. ապահովել հանրապետական և միջազգային գիտաժողովներին ուսանողների մասնակցությունը,

2.4.7. նպաստել ուսանողների գիտական և մեթոդական աշխատանքների հրատարակմանը,

2.4.8. խրախուսել ուսանողներին գիտահետազոտական աշխատանքների իրականացման համար,

2.4.9. ընտրել և խրախուսել ուսումնական տարվա բարձր գիտական վարկանիշ ունեցող ուսանողներին:

3. ՈԻԳԸ-Ի ԿԱՌՈՒՑՎԱԾՔԸ

3.1. ՈԻԳԸ կառուցվածքային միավորներ են՝

- **Համալսարանի ՈԻԳԸ խորհուրդ**, որը համակարգում է համալսարանի ՈԻԳԸ գործունեությունը,
- **Ֆակուլտետի ՈԻԳԸ խորհուրդ**, որը համակարգում է համապատասխան ֆակուլտետի ուսանողների գիտական գործունեությունը,

- **Ամբիոնի ՈՒԳԸ պատասխանատու(ներ)**, ովքեր աջակցում են ուսանողների գիտական գործունեության ներգրավվածությանը:

3.2. ԱՄԲԻՈՆԻ ՈՒԳԸ ՊԱՏԱՍԽԱՆՏՈՒ

- 3.2.1. Յուրաքանչյուր ամբիոն պրոֆսորադասախոսական կազմից ընտրում է գիտական կոչում ունեցող ամբիոնի պատասխանատու:
- 3.2.2. Ամբիոնի պատասխանատուն համագործակցում է ֆակուլտետի ՈՒԳԸ-ի հետ՝ ներկայացնելով առաջարկություններ ուսանողական գիտաժողովների, սեմինարների, գիտահանրամատչելի դասախոսությունների և գիտական-կրթական ուղղվածություն ունեցող այլ միջոցառումների կազմակերպման վերաբերյալ:

3.3. ՖԱԿՈՒԼՏԵՏԱՅԻՆ ՈՒԳԸ ԽՈՐՀՈՒՐԴ

- 3.3.1 Ֆակուլտետի ՈՒԳԸ խորհուրդը ձևավորվում է ֆակուլտետի թողարկվող մասնագիտությունների բոլոր կրթական մակարդակների բարձր առաջադիմությամբ մեկական ուսանողներից (առկայության դեպքում)՝ ամբիոնների պատասխանատուների առաջարկությամբ :
- 3.3.2 Ֆակուլտետի ՈՒԳԸ խորհրդի անդամներից փակ գաղտնի քվեարկությամբ ընտրվում է ֆակուլտետի ՈՒԳԸ խորհրդի նախագահ և համալսարանի ՈՒԳԸ խորհրդի 3 ներկայացուցիչներ՝ յուրաքանչյուր կրթական աստիճանից 1-ական ներկայացուցիչ:
- 3.3.3. Ֆակուլտետի ՈՒԳԸ խորհուրդը մշակում և հաստատում է զարգացման կարճաժամկետ (2 տարի) ռազմավարական ծրագիր, որն ուղղված է ֆակուլտետի ուսանողների գիտական գործունեության զարգացմանը:
- 3.3.4 Ֆակուլտետի ՈՒԳԸ խորհրդի նախագահը.
 - ի պաշտոնե հանդիսանում է ֆակուլտետի խորհրդի անդամ
 - կազմակերպում է ֆակուլտետի ՈՒԳԸ աշխատանքները,
 - ներկայացնում է ֆակուլտետի ՈՒԳԸ զարգացման ռազմավարական ծրագիրը,
 - ներկայացնում է ֆակուլտետի տարեկան հաշվետվությունը համալսարանի ՈՒԳԸ խորհրդում,
 - նախագահը ի պաշտոնե հանդիսանում է համալսարանի ՈՒԳԸ-ի խորհրդի անդամ:
- 3.3.6. Ֆակուլտետի ՈՒԳԸ խորհրդի նիստերը գումարվում են ուսումնական կիսամյակում ոչ պակաս, քան երեք անգամ:

3.4. ՀԱՄԱԼՍԱՐԱՆԻ ՈՒԳԸ ԽՈՐՀՈՒՐԴ

- 3.4.1 Համալսարանի ՈՒԳԸ խորհրդի կազմի մեջ մտնում են յուրաքանչյուր ֆակուլտետի ՈՒԳԸ խորհրդի նախագահը և խորհրդից ընտրված ներկայացուցիչները:

- 3.4.2. Համալսարանի ՈւԳԸ խորհրդի կազմից փակ գաղտնի քվեարկությամբ մասնակիցների թվի ձայների մեծամասնությամբ ընտրվում է նախագահ, փոխնախագահ և քարտուղար՝ 2 տարի ժամկետով:
- 3.4.3. ՈւԳԸ խորհրդի նախագահ կարող է ընտրվել այն ուսանողը, ով ունի առնվազն 2 տպագրված հոդված:

4. ՈՒԳԸ ԽՈՐՀՐԴԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄ

- 4.1. ՇՊՀ ՈւԳԸ խորհրդի նիստերը գումարվում են ուսումնական կիսամյակում ոչ պակաս, քան երեք անգամ:
- 4.2. ՇՊՀ ՈւԳԸ խորհրդի նիստն իրավագոր է, եթե նրան մասնակցում է անդամների ընդհանուր թվի առնվազն 2/3-ը: Որոշումներն ընդունվում են մասնակիցների ընդհանուր թվի ձայների պարզ մեծամասնությամբ: ՈւԳԸ խորհրդի արտահերթ նիստ կարող է հրավիրվել գիտական քաղաքական և արտաքին համագործակցության կառավարման կենտրոնի տնօրեն- պրոռեկտորի, ՈւԳԸ նախագահի, ՇՊՀ ՈւԳԸ խորհրդի անդամների 1/3-ի պահանջով:
- 4.3. Համալսարանի ՈւԳԸ նորընտիր նախագահը ընտրվելուց հետո եռօրյա ժամկետում՝ մինչև գործող նախագահի լիազորությունների ավարտը, ստանձնում է պատասխանատվություն ՈւԳԸ-ին պատկանող գույքի և կնիքի համար:
- 4.4. Համալսարանի ՈւԳԸ նախագահի նոր ընտրությունները պետք է կայանան գործող նախագահի պաշտոնավարման ավարտից առնվազն յոթ աշխատանքային օր առաջ:
- 4.5. Համալսարանի ՈւԳԸ խորհրդի նախագահի բացակայության դեպքում նրա լիազորությունները ստանձնում է փոխնախագահը:

4.6. ՈւԳԸ խորհրդի նախագահը

- ի պաշտոնն ներկայացնում է համալսարանի ՈւԳԸ,
- ի պաշտոնն հանդիսանում է համալսարանի գիտական խորհրդի անդամ,
- ՇՊՀ գիտական խորհրդի հաստատման է ներկայացնում է համալսարանի ՈւԳԸ զարգացման ռազմավարական ծրագիրը,
- ՇՊՀ գիտական խորհրդում հանդես է գալ տարեկան հաշվետվությամբ:

5. ՈՒԳԸ-Ի ՄԻՋՈՑՆԵՐԸ ԵՎ ԴՐԱՆՑ ՕԳՏԱԳՈՐԾՄԱՆ ԿԱՐԳԸ

- 5.1. ՈւԳԸ միջոցները գոյանում են ՇՊՀ-ի բյուջեից կատարվող մասնահանումներից, հովանավորների կողմից կատարվող հատկացումներից, ՇՊՀ-ի կանոնադրությամբ և ՀՀ օրենսդրությամբ չարգելված այլ աղբյուրներից:
- 5.2. ՈւԳԸ-ն, համաձայն սահմանված կարգի, օգտվում է ՇՊՀ-ի տարածքային, գույքային, տեխնիկական և այլ միջոցներից:
- 5.3. ՈւԳԸ-ի միջոցներն օգտագործվում են սեփական նպատակների և խնդիրների իրականացման համար:

6. ՈՒԳԸ-Ի ԳՈՐԾՈՒՆԵՈՒԹՅԱՆ ԴԱԴԱՐԵՑՄԱՆ ԿԱՐԳԸ

- 6.1. ՈՒԳԸ –ի գործունեությունը կարող է դադարեցվել ՇՊՀ-ի գիտխորհրդի որոշմամբ:
- 6.2. ՈՒԳԸ-ի լուծարումից հետո նրա ամբողջ գույքը հանձնվում է ՇՊՀ-ին: